

DISSERTATIO MEDICA
INAUGURALIS,
DE
MORBIS EX DEFECTU MOTUS
VITALIS ORIUNDIS.

QUAM
ANNUENTE DEO TER OPT. MAX.

Ex Auctoritate MAGNIFICI RECTORIS,

D. JOANNIS ESGERS,
S. S. THEOLOGICÆ DOCTORIS, EJUSDEMQUE FACULTATIS,
UT ET ANTIQUITATUM HEBRAICARUM IN ACADEMIA
LUGDUNO-BATAVA PROFESSORIS ORDINARIJ.

NEC NON

Amplissimi SENATUS ACADEMICI *Consensu,*
& Nobilissimæ FACULTATIS MEDICÆ *Decreto,*
PRO GRADU DOCTORATUS
Summisque in MEDICINA honoribus & Privilegiis,
rite ac legitime consequendis,

Eruditorum Examini submittit

EELCO MOLINUS,

a Pago's Heeren-Veen, Frisius.

Ad diem 17. Augusti 1752. hora locoque solitis.



LUGDUNI BATAVORUM,
Apud NICOLAUM MOENS, 1752.

DISSECTATIO MEDICA
DE
MORBUS EX DEFECTU MOTUS
VITALIS ORIGINIS.

ANNUENTE DOMINI MDCCLXXII.

IN ACADEMIA MEDICA PAVIA.

JOHANNIS EGERII.

PHYSICUS, ET MEDICUS
PRAECEPTOR IN ACADEMIA
PAVIA.

PAVIAE.

APUD JOHANNEM BAPTISTAM

PHARMACEUTICUM.

EXCULPTORIS.

PAVIAE.


MDCCCLXXII.

PAVIAE.

PAVIAE.

PAVIAE.

PAVIAE.



PAVIAE.

PAVIAE.

DEO,
PATRIÆ,
PARENTIBUS,
PRÆCEPTORIBUS,
ATQUE
AMICIS

*Hancce dissertationem
sacram cupit*

EELCO MOLINUS,
AUCTOR.

DE
PATRIAE
PARENTIBUS
PRAECEPTORIBUS
A T Q U E
A M I C I S

Altere diffinitione
hanc cupit

HELIC. MOLINUS
AUCTOR



DISSERTATIO MEDICA
INAUGURALIS,

DE

MORBIS EX DEFECTU MOTUS
VITALIS ORIUNDIS.

§. I.



Omnes, quotquot sunt morbi, ex causis
internis oriundi, a motu vitali aucto,
imminuto, depravato, abolito proxi-
me oriri, ipsamque mortem continge-
re facile noverit is, qui partium fir-
marum actionem in fluida contenta,
& horum in firmas perspectam habue-
rit. *Mutuae hæ actiones* (Medici vitales

vocant) juxta naturæ leges procedentes, sunt *vita ipsa*
corporis animati; *causa vitæ; effectus.*

Eas ipsam vitam esse, ipsum punctum saliens, sive ru-
dimentum fœtus, evincit; in quo alternus saltus a vita
non distinguitur. Inest stamini solido vis oscillatoria in
guttulam fluidi movendi: inest guttulæ fluidi vis reagens,
ut inde resultat effectus sensibilis, quæ ipsa vita est. Nec

ipsa vis seorsim spectata in fluido aut firmo, vita est dicenda; nec alia requisita; sed complexus omnium. Num vero prius solida stamina a fluidis, an vice versa fluida a solidis in actum deducantur, aliis determinandum relinquo. Constat experimentis in guttula sanguinis, recens ex homine vegeto emissi & adhuc calentis, miram particularum seu globulorum observari agitationem: eos ad se invicem allidi, resistere, moveri per omnis generis directiones, prout magnitudine & pondere specifico & vi attractili, qua quælibet alterius centrum conatur occupare, differunt. Durat hæc agitatio, quamdiu calor nativus inhæret. In frigefacta motus est nullus, quin etiam decrescit proportionaliter calori decrescenti. Motus hic Medicis intestinus, quoque vitalis dicitur. Hic in vegeta ætate major, quam in vergente: in sanguineo alacrior quam in phlegmatico, de quo plura suis locis.

Ipsæ autem actiones reciprocæ partium firmarum & fluidarum vitæ corporeæ *caussa* dici possunt, quatenus vita ipsa hæc prima elementa non efformat, neque complexum caussarum partim insitarum, partim applicatione nascentium, adeoque nec ipsam primam producit actionem, hujus quippe natura ipsa est principium, omni prius, omni posterius, causam efficientem in actum deducens, leges infundens. Vitam perfectam, sive sanitatem integram dicimus, si, in homine omnes functiones juxta leges commode, læte & constanter exerceri deprehenduntur: tum vero omnes conditiones requisitæ tam firmarum quam fluidarum partium, a natura præscriptæ, adsint necesse est. Bonum ex integra causa; malum ex quolibet defectu. Omnia hæc a circulatione fluidorum dependent: ita ut motus iste vitalis ut vitæ causa agnosci jure possit.

Potest & vitæ effectus dici, quatenus illa semel posita perfecta motus istos conservat, renovat. Ex his intelligitur, quo sensu dicatur vita aucta, imminuta, maxima, minima, otiosa, laboriosa, proba, dissoluta, vitæ conditio, genus &c. Quum autem morbi a motu vitali imminu-

to longe frequentiores sint iis, qui ex motu præter naturam aucto oriuntur; de his in hoc Themate dicere constitui.

§. I I.

Quum omnes motus in oeconomia corporis humani, tam fluidorum progressivus per vasa, quam intestinus; tam fibrarum oscillatorius, quam voluntarii (sive spectentur ut causæ, sive ut effectus, modo secundum naturam procedant) ut & omnes mutationes inde resultantes, uti conversio alimentorum in chylum, sanguinem, succum nutritium, nutritio ipsa, secretiones, excretiones harmoniam quamdam constituunt, quæ vita perfecta aut sanitas recte dicitur, has omnes ad motum vitalem refero. *Quando actiones vitales, quæ versantur in motu, sensu & nutritione machine, læsæ sunt, tunc dicitur adesse morbus.* Fr. Hoffm. cap. de Morbis in genere & eor. causis. Quoniam vero motus humorum progressivus sanguinis & liquidi nervei principes sunt, de iis primo agendum erit.

§. I I I.

Motus vitalis secundum naturam procedere dicitur, si dicta fluida debita copia, celeritate, justo impetu per vasa & viscera universi corporis moventur.

Cujus signa sunt functionum integritas, constantia cuilibet, ætati, temperamento propria. *Qui actiones homini proprias exercere valet cum facilitate, oblectamento & quadam constantia, sanus habetur.* Boerh. Inst. §. I. Actiones autem homini propriæ non modo illæ sunt, quæ ex fabrica homini propria dependent, sed & quæ cuilibet ætati propriæ, ut & scientiarum & artium variarum exercitia.

§. I V.

Cognoscitur itidem, pulsu arteriarum, quum nunciet conditionem definitam cordis nostri ut motoris primi, tum indolent-

copiam, motum humoris universalis, unde reliqui omnes; tum & statum varium arteriæ, vasis fere primarii omnium partium corporis. Boerh. Inst. §. 958. Pulsus fortis, magnus, æqualis, tardus indicio est, motum vitalem vigere. Vis, magnitudo, frequentia cuilibet subiecto propria, apto tempore exploranda, non sub ipso exercitio, aut animi affectu, sed in statu pacato; nisi necessitas aliud suadeat.

§. V.

Respiratio facilis, magna, lenta, æqualis motus vitalis rite procedentis quoque index est: sic & urina copia, qualitate, tempore rite excreta innuit, motum istum per viscera expeditum. Hæc vero signa rarissime in homine sano usu veniunt; a Medico tantum in specie seu in abstracto considerantur, ut fiat mensura respectu eorum, quæ in ægris contingunt. Ipsarum functionum exercitia §. 3. sunt palmaria, fidelissima, omnibus obvia.

§. VI.

Motus vitalis imminutus dicitur, si intra datum tempus in dato subiecto minor quantitas sanguinis ex corde sinistro expellitur, aut minor per venas ad cor dextrum redit, quam in sanitate consuevit; aut utrumque simul obtinet. Primum contingit, si in pulmone ejus fiat congestio, uti in meditatundis. Secundum in quiete corporis post exercitia. Tertium in hæmorrhagiis narium, uteri &c. & in vulneribus. Est hic consideranda quædam latitudo intra certos terminos, cuivis homini propria, intra quos sanitas illæsa persistere potest. V. G. dum humores exercitio corporis, aut cibo potuve stimulaute assumpto, rarescunt; aut potus aquosus blandus ingestus, cito ad sanguinem delatus, ejus copiam auget, augetur celeritas motus circulatorii, quæ inducta quiete, aut excreta copia ad pristinum statum citra sanitatis dispendium reducitur, nisi excessus admissus sit. Sic deminutio massæ
per

per hæmorrhagias S. M. quatenus copia nimia exterminatur, potius salutaris quam noxia dicenda, qua subinde motus nimius imminuitur, subinde imminutus augetur pro re nata. De hac deminutione mihi sermo non est, verum de ea, qua functiones inde pendentes læduntur.

§. VII.

Deminutio motus vitalis vel obtinet in universo corpore, vel in aliqua parte. In universo corpore, si contingit in systemate arteriæ aortæ, pulmonalis: venæ cavæ, portarum, pulmonalis: organis secretoriis, systemate nervo. Fluida contenta tunc tardius cum dispendio sanitatis moventur dico cum dispendio sanitatis, nam uti augeri citra illud, sic imminui potest ætate increfcente. Eâ proportionem augetur, quo vasa numero & magnitudine increfcent: imminuitur pariter, prout vasa minima cum fluido contento & inter se in solidum continuum coalescunt concrefcentque. Sanitas nihilominus non modo persistit, verum firmior contra injurias externas evadit, homoque aptus fit iis peragendis, quæ ætas, corporis constitutio, animusque admittit, modo usu intempestivo rerum non naturalium ista vasorum concretio non acceleretur. Homo in vigore dicitur esse, si hæc concretio ad eum gradum pervenerit, ut sit æquilibrium actionum fluidorum in firma, & vice versa. Si tum superstites meatus, & vires servari possent, homo in eodem statu persisteret, & nunquam fata senectutis experiretur. Verum quum nullum hucusque remedium innotuit, motus vitalis pergit ea proportionem imminui, quo vasorum ultra æquilibrium contingit abolitio, donec ad minima reductus tandem desinat in quietem fatalem seu mortem.

§. VIII.

Signa deminutionis præternaturalis sunt languor functionum; pallor; frigus, seu deminutio caloris naturalis in toto vel parte; pulsus parvus, debilis; respiratio læsa, uri-

na cruda &c. quæ ut effecta consideranda, de quibus plura inferius.

§. I X.

Causæ motum vitalem præter naturam deminuentes variæ occurrunt, quæ homini sano, qualem ponimus, nec hæreditaria nec alia labe inquinatum, applicatæ motus ipsius causas minuunt partes firmas nimis laxando, eorum tonum dejiciendo, solvendo; fluidas vitales profundendo, coagulando, resolvendo, corrumpendo &c. Quoniam omnibus morbis quivis homo plus minus expositus est, prout ætas & sexus fert; causæ illæ applicatæ procatarcticæ vocari poterunt, lato saltem sensu; sua enim natura morbos & mortem inducere possunt, ut ignis, venena, vis irruentium, aliaque. Visum mihi classem a Boerh. §. 744. & seqq. propositam sequi, modum, quo motum vitalem minuunt, effectaque inde producta recensendo.

§. X.

Primo occurrit aër, qui, uti ferenus, purus, gravis, temperatus, elasticus, aut noxiis corporum exhalantium effluviis non inquinatus maxime ad vigorem motus vitalis confert, ita ab his Characteribus longius recedens motum ipsum summopere lædit. Conf. Inst. Boerh. §. 1029, 1060. Aër purus quidem in nostra atmosphæra non existit, tantum respectu meteororū sensibilium sic dicitur, ut sunt nubes, nebulæ, foetida invisibilia, aut miasmata non nisi effectū productū percipienda. Aëra purum existere implicat, & si existeret, ad vitæ conservationem ineptus foret. Latet in eo ex mente veterum occultus vitæ cibus, heterogeneis semper refertus, radiis siderum, fossilium, vegetabilium, animalium effluviis, variæ tempestatis causis. Gratis aromatum nonnullorum odoribus homo quam maxime reficitur, dejectas inde sæpe vires recuperat; ingratas autem Idiosyncrasias adversis offenditur. Inter noxia effluvia aëri immixta primas sibi vindicat nimia ignis copia.

§. XI.

§. X I.

Aër æstuans corpus expandit, meatus aperit, tenuissima fluida aufert, reliqua inspissat. vid. Inst. Boerh. §. 746. Minuit igitur copiam fluidi tenuissimi, quæ proxima liquidi nervei inde secernendi, & nutrituri &c. materies imo vehiculum globulorum rubrorum, ferosorum &c. merito vocari potest. Si diutius corpori applicetur, nec assidue convenienti liquido temperetur, sequentia contingere solent, imprimis in plethoricis calidis. Humores residui vehiculo magnam partem destituti, inspissati difficilius moventur, attritu majore incalescentes rarescunt; in majus volumen expanduntur; oritur plethora spuria; febris inflammans; motus vitalis in vasis majoribus auctus, in minimis imminutus; obstructions; dolores per universum corpus; spasmi a tensione, irritabilitate; affluxus liquidi nervei residui aliæque nervorum affectiones; inflammationes viscerum; peripneumoniæ; pleuritides, prout corpus æstuans in hanc vel illam partem frigus admittit. Hæc quidem oriuntur a motu vitali aucto, verum in vasis primi aut secundi generis non fierent, si per vasa minima liber esset transfluxus.

Curatio consistit in S. M. quiete corporis; diluentibus, resolventibus; aëre temperato, qualis solet esse ædium parte inferiori versus septentrionem, aut exhalatione dispersæ aquæ frigidæ &c. Conf. Inst. Boerh. §. 1031.

Nisi in principio natis his malis occurritur remediis modo recensitis, obstructions fiunt tenaciores, viribus naturæ & artis superiores; succedit suppuratio, aut gangræna, sphacelus, mors.

Quando uberius colligitur sanguis in minimis vasculis, ibique stagnat, doloris & caloris molestum sensum producit, donec sensim correptus in pus vel saniem abit Frid. Hoffm. T. 2. c. 5. §. 20. Quid in his agendum sit, ex præsentis morbi natura magnitudine, statu, viribus ægri colligendum juxta regulam Boerh. Inst. §. 1083. *Agenda & actura non indicantur, nisi cognita prius vita, hujus causa, statu, viribus, effectis;*

rum & perspecto prius morbo, ejus caussa, statu, viribus, effectis. Hæc in sequentibus loco curationis esse volumus.

§. XII.

Aër gelidus corpus constringendo orificia exhalantia arctat, perspirationem inhibet, motum vitalem in minimis vasis cutaneis suffocat, nisi, circulatione motu musculari aucta, resistantia extrinsecus superetur; inde Catarrhi a suppresso perspirabili &c. si vero motu musculari resistantia superetur, actio vasorum universi corporis, frigore & gravitate aëris in minus volumen redacti, augeatur, sic & attritus, attenuatio fluidorum, dispendium subtiliorum, exinanitio canalium minimorum; inde animi deliquia a motu vitali liquidi nervei & subtiliorum per vasa minima imminuto Conf. Inst. Boerh. §. 747. Præprimis hæc contingere solent, si aër calidus subito in frigidum mutetur, uti tempore verno & autumnali observari solet. Magnus Boerh. dictis incommodis obviam iturus regulam præscribit Inst. §. 1051. his verbis: *neque est aliud, quod plus defendit corpora contra vim caussarum externarum, quam si, quis verno tempore tarde minuat vestimenta hyberna, rursumque cito augeat æstivas vestes autumnali tempore.*

Hoc præsidium optimum quidem est quoad superficiem corporis externam, sed quid defendet pulmones? Sanguis in iis magis frigori expositus, quam in superficie corporis; superficies concavæ vesicularum aëriferarum Malpighii simul sumptæ forte majores sunt quam universi corporis, sunt cute laxiores; oscula perspirantia plus perspirant; aër frigidus inspiratus tenuibus & nudis membranulis applicatur; inde eadem mala, ac si corpori nudo applicatus fuisset. Sola consuetudo loci hic partes agit, & mirantur sæpe homines sanitatis studiosi regulam Boerh. accurate observantes, se nihilominus Catarrho Correptos. Causam noscerent, si pulmonum conditionem perspectam haberent.

§. XIII.

§. XIII.

Reliquas aëris constitutiones motum vitalem minuentes hic recensere nimis longum foret, præstitit hoc Hippocr. in libro omni posteritati suspiciendo de aëre, aquis & locis. Si omnes morbi ex qualitatibus noxiis ad calculum referantur, ex decem ad minimum novem a motu fluidi vitalis imminuto dependent. Cæterum quæ excessus humidi, sicci gravis, levis aut heterogeneorum miscela efficiat, de iis Conf. Boerh. l. c. §. §. seqq. Sydenh. Rhaz. Hoffm. aliique. Contentus modum, quo illa motus vitalis imminutio fiat, & qua ratione morbi inde oriuntur, indicasse, ad alimenta transeo.

§. XIV.

Cibi & potus necessitas ad conservandam vitam & sanitatem omnibus nota, ast rectus horum usus omnibus notus non est. Hinc morbi oriuntur, & non raro mors ipsa. Abusus præcipue committitur copia, qualitate, modo, & tempore.

§. XV.

Excessus cibi nimis distendit ventriculum; inde humorum motus, compressis ad se invicem membranis, & elongatis vasis, minuitur; ex parte suffocatur: excretio humoris gastrici, resorptio deficit; inde impedita digestionem oritur cruditas, corruptio, morbi spontanei. Præterea impedita diaphragmatis contractione difficultas respirandi; hac posita, læditur circulatio libera per pulmones. Quid in reliquis circumpositis, hepate, liene, pancreate, intestinis fiat, docet situs & natura harum partium: compresso colo sub ventriculo decurrente, retardatur progressio fecum versus lienem: compressa vena cava inferiore & aorta sanguis majori copia ruit ad caput: compressis minimis canalibus Encephali, impeditur liquidi nervei excretio, unde sopores &c.

Incommoda hæc eo majora, quo magis ventriculus infartus, quo assumpta magis resistunt, ut farinosa non fermentata viribus digestricibus; quo magis rarescunt, ut panis fermentatus. Non vero indiscrete omnes nimiam copiam assumentes æque graviter mulctantur; sed debiliores præ fortioribus; otiosi præ laboriosis; magis æstate quam hyeme. Justam autem copiam conjectura colligere oportet, neque pondus, neque numerus copiam determinat, ast sensus refectionis, quem nonnunquam varietas eduliorum fallit. Vide Hipp. de prisc. Medicina & lib. de salubri vict. rat. S. IV. *Copia cibi optima cuique, quam sequitur sensus refectionis non torporis. Tutior sobrietas, sed debilibus: excessus melior, sed robustis.* Boerh. Inst. §. 1039.

§. X V I.

Si quis præter morem, repetitis vicibus plura alimenta assumit, licet mala recensita mox non advertat, tutum se esse tamen non existimet. Nata inde aucta cruditate temporis progressu morbi orientur; *neque morbi drepente hominibus contingunt, sed paulatim acervatim se produnt.* Hipp. lib. I. S. IV. de rat. vict.

§. X V I I.

Incommoda copiam alimentorum non sufficientem subsequencia ex iis, quæ inedia inducit noscuntur prævidenturque. De his conf. Boerh. Inst. §. 757. In omnibus istis ordine recensitis subest motus vitalis imminutus; deficiunt enim subtilissima: quod vero deficit, in motu esse dici nequit. Febris furiosa ante extinctionem obveniens ponit quidem motum auctum, ast in vasis majoribus ab acri concitatis: nervos quod attinet, potius causa movens extrinsecus eos afficit, quam præsentia liquidi contenti, si canales esse ponantur. Eo minus sanitas læditur quo minus a consueta copia receditur. Nycthemeri abstinencia obstructions lentas sæpe optime curat,

curat, ut & vitia repletionem eximia contracta. *Non levius peccatur, inquit Hippocr. de prisc. med. neque minus læditur, si quis pauciora & infra modum assumat; fames enim plurimum potest in hominum natura tum ad sanitatem & imbecillitatem, tum ad mortem inferendam. Multa vero alia mala & varia quidem ex plenitudine oriuntur, neque vero minus gravia ex inanitione.*

§. XVIII.

Causæ sitis motu vitali indefinenter nascentes inevitabilem potus necessitatem inducunt, ut sunt siccitas, immeabilitas, acrimonia, potu aquoso, aut vinoso diluto tollendæ. Cujus excessus aut defectus mala infert, ex potus natura intelligenda. Abusus potus aquosi omnia laxando vim vitæ insigniter minuit; inertiam tam firmis quam fluidis conciliat; secretoria tono destituta retinenda transmittunt, (ut in diabete morbo olim rarissimo, nunc frequenti) nimium mensium fluxum, eorum retentionem, aquosorum in interioribus colluviem, leucophlegmatiam, hydropem, Chloroses &c. producit. Dum nimis spirituosus fuerint, coagula serosa, obstructions, canalium minimorum concretiones, & quæ inde sequuntur.

Omnia hæc ex motu vitali imminuto, abolito contingunt.

Plurima eaque summi momenti hic se offerunt dicenda, quæ ex parte in §. §. seqq. & ab Hipp. lib. 1. & 2. de rat. vict. exponuntur. Curatio præcipue ex ingestis innotescit, exemplo Cassii Medici ingeniosissimi apud Celsum lib. 1. circa finem, hic febricitanti cuidam & magna siti affecto, quum post ebrietatem eum premi cœpisse cognosceret, aquam frigidam ingessit, qua ille epota, quum vim vini miscendo fregisset, protinus febrem somno & sudore discussit. Cætera abstinentiâ perficiuntur, eorum scilicet, quibus mala arcessita. Ratio itaque victus adhibiti ostendit rationem victus adhibendi.

§. XIX.

Medicamentis, quorum in sanitate nullus debet esse usus, non raro motus vitalis dejicitur, ut sunt septica, mercurius, scammon. Jalapp. Aloë &c. his fluida vitalia ex parte solvuntur; soluta ad intestina delata alvo ejiciuntur, ita ut homo iis purgatus, ægre nec nisi post multos dies vigorem pristinum recuperet. Medicamenta non semper profunt ægris, nocent semper sanis, Celso teste. Uti in ægro semper aliquid, ita in homine sano nil mutandum: sed modo convenienti rerum non naturalium usu conservanda omnia, quæ vitam & sanitatem constituunt. Agyrtæ, quo simplicioribus sua medicamenta commendent, a morbis eos usu eorum fore immunes, jactare solent; ast verus Medicus ea prorsus damnat, sanitas ipsa est validissimum contra morbos præsidium: & *cavendum, ne secunda valetudine adversæ præsidia consumantur.* Cels. cap. i.

§. XX.

An igitur nullum datur prophylæticum contra morbos contagiosos? præter res non naturales nullum novi ad sanitatem integram tuendam: in morbis vero, ne graviores fiant, aut alios producant, quam plurima.

§. XXI.

Motus corporis nimius motum vitalem quidem auget, ast simul fluida subtilissima dissipando causas vitæ minuit. Nimius autem dicendus est, qui vires cito exhaurit, aut qui ultra vires protrahitur. Ut enim moderatus corpus firmat, sic intempestivus maxime debilitat. Quæ de aëre æstuante dicta sunt, huc spectant. Cons. §. 766. Inst. Boerh.

§. XXII.

§. X X I I.

Inter causas motum vitalem imminuentes, præcipuæ sunt vigiliæ nimia. *Vigilia nimia consumit spiritus, nulla arte nisi somno reparandos.* Boerh. Inst. §. 768. Magna vero in vigiliis nimis est differentia: aliæ sunt studiosorum veritates ex profundo eruentium: aliæ hominum Veneri & Baccho litantium: aliæ duros labores exercentium: aliæ famelicorum: aliæ juniorum, fortium: aliæ seniorum, debiliū: aliæ suetorum, aliæ insuetorum. Omnis vigilia causas vitæ, adeoque ipsam vitam minuit, alia vero efficacius, mitius alia, quod ex subiecto & genere vigiliæ determinandum.

§. X X I I I.

Vitam Philosophorum, profundissimis speculationibus inhærentium, ad motum, an potius ad quietem nimiam referam, anceps hæreo. Dum enim ita meditabundi stant, sedent, aut immobiles jacent, sui que immemores, dormientes potius quam vigilantes diceres. Adeo huic vitæ generi & perverso genio indulgent, ut etiam discumbentes sui obliviscantur, & magis naturæ variæ alimentorum, quam oblectamento inde percipiendo attendant, effectus causarum perscrutantes; tantum abest, ut aliis, qui juxta præceptum C. Celsi cap. I. *gaudia curis interponendo vitam agunt*, plus proficiant, ut sui ingenii vires obtundant, & exhauriant. De iis hoc loco inter vigiliam & somnum mediis dicere constitui.

§. X X I V.

Hi dum a principiis seriem causarum & effectuum ad ultimum, qui in dato objecto obtineri potest, aut vice versa seriem effectuum & causarum ad principia revolvunt; mens intenta nusquam quiescit, omnes actiones corporis fere sopit, actionem objectorum quorumcunque

C

orga-

organa sensuum afficientium vix advertit, Archimede & Viëta testibus; ipsa respiratio, actio ad motum vitalem promovendum adeo necessaria, iis est molesta. Quod si veritate investigata, & reperta quiescerent, & ad alia transirent, levius luerent naturæ repugnantis & vindicis pœnas. Verum reperta hac veritate ut principio, ad novas inde detegendas extemplo ruunt. Quænam ejusmodi intempestiva mentis intentione in oeconomiam animalem redundant mala, meum non est ætiologice exponere, quum experientia id ultro tristibus tot eventibus palam fecerit, & quam plurimi a sapientiæ foro ad delirantium emporia transferint, ubi omnis generis deliria gratis venalia; eorum aliis se vitreos, aliis cucurbitas vel Reges esse somniantibus.

Quid facias illis, nisi jubeas libenter miseros esse, quum ne tota Anticyra quidem sanabiles. Si tamen de morbo interno querantur, Medicique opem implorent, ad fontes medicatos ablegandi, ut ibi deambulatione, confabulando cum aliis, divertantur. Conf. Fr. Hoffm. de delirio melancholico ita differentem. §. 26. *Mibi denique si ullum remedium cœu specificum, id est quod singulari quodam & præcipuo effectu multoties se comprobavit, in hisce mentis affectibus, tum præcavendis, tum abigendis commendare licet, nec certius, nec efficacius decenti ad vires corporis instituta exercitatione novi, nam, modo liquidum in sanguine non deficiat, hoc remedium viscidos humores resolvendo, liberiores sanguinis per omnia vasa circuitum promovendo, corpus ab impuris sordibus per auctam transpirationem liberat, obstructions reserat, adeoque omnibus aliis summe commendatis remediis antecedit longissime.*

§. XXV.

Omnia hæc mala a circulatione liquidi nervei aut subtilissimorum fluidorum abolita, aut inæquali reddita, aut congestionem alicubi facta dependent. Taceo infinita incommoda inde oriunda, ut malum hypochondriacum, ischiaticum, morbos articulares.

§. XXVI.

§. X X V I.

Cave interim, ne meditabundum, gesticulantem, frontem, aures fricantem, caput quatientem, ridentem lacrymantem insanire dicas, nisi sermo ipse delirii indicia præbeat: quemadmodum Abderitæ bonum & sapientem Democritum insanire dicebant; ad quem curandum Hippocrates legatus auditis risûs causis virum sapientem, ipsos autem Abderitas insanientes proclamavit; ut patet in Epistola ad Damogetam.

§. X X V I I.

De quiete, somno nimio, animi affectibus, quibus motus vitalis imminuitur, depravatur, ex parte aboletur, consule effata Boerh. Inst. §. 769. ad 71. Nunc de excretis & retentis quædam adjicere est animus.

§. X X V I I I.

Omnes secretionis præter naturam contingentes, in excessu vel defectu consistunt, sive sponte, natura, vel arte; casu, aut malo mentis consilio contingant.

Quid efficiat nimia excretio salivæ, succi pancreatici, bilis, humoris intestinalis, sudoris &c. quum tantum in subtiliorum dispendio consistant, ex iis quæ §. 12. & 21. dicta sunt, & ex singulari eorum usu abunde patet, ut & quæ iisdem suppressis oriantur mala. Usus quidem seminis primarius non est in conficiente, sed in receptura: at secundarius in ipso conficiente insignis est, utut sit difficilis in juvene custodiæ Thesaurus, & ex effectibus a nimia profusione productis a Boerh. §. 776. compendio relatis, legenti terrorem incutientibus, nimis est cognitus; quorum unum exemplo confirmat Hippocr. lib. vi. de morbis vulgaribus S. vii. *Satyrus in Thaso cognomento Grypalopex, cum 25. annorum esset, sæpius inter dormiendum seminis profluvium expertus est, eique semen interdum frequenter*

promanabat. Cum autem trigesimum annum attigisset, tabe correptus mortuus est. Affinis huic excretioni est Diabetes, morbus olim oppido rarus, nunc temporis vigenti infusorum *Thëæ & Coffëæ* abusu longe frequentior, in quo non tantum subtiliorum fluidorum vitalium, verum insuper adventitii utpote chyli fit jactura, & tandem incremente anastomosi, mictus cruentus. Natura, auctiori huic evacuationi assueta, omni vasorum systemati inertiam infert, organis secretoriis reliquis humores in usus necessarios fecerendos subtrahit; hinc diabete detenti semper siticulosi sunt, pallent, queruntur de siccitate oris, faucium, gravitate ventriculi post cibum assumptum, tremunt: fœminæ ejusmodi infusis nimis indulgentes fere semper chloroticæ sunt, menses decolores excernunt, non talem sanguinem, qualis sanitatis effectum fit, & ad fœtum debite alendum aptus est. Abstinencia per gradus, substituendo cerevisiam aut vinum, martialia, exercitia corporis, præcipua remedia in hoc affectu esse ratio persuadet. Urinæ autem excretionem suppressa, omnia vasa haud diu post copia onerantur, ora secretoria obruuntur, succedit stagnatio, corruptio, divortium, cacochymia lethalis. Alvi perpetuo suppressæ citra notabile sanitatis detrimentum sunt exempla: urinæ nullum. Vivit adhuc sanus, qui alimenta bihorio, aut trihorio ab assumptione quodammodo mutata rejicit.

§. X X I X.

Omniū causarum motum vitalem minuentium efficacissimæ, frequentissimæ, & maxime notabiles sunt; quæ massam vitalium, quoad omnes partes constituentes, minuunt; ut sunt profusiones sanguinis ad vitam sanitatemque necessarii (hæmorrhagias vocant a voce Græca αἷμα sanguis & ῥήγνυμι rumpo) quacunque causa ortæ, quocunque loco, modo, statu, tempore contingant. Ratione effectuum, vel sunt criticæ, vel symptomaticæ, probe a se invicem distinguendæ. *Criticæ* aut copiam nimiam san-

sanguinis sinceri, naturæ onerosam, ut in plethoricis evacuant, aut impetum, ut in morbis inflammatoriis, affectibus quibusdam soporosis, minuunt: *Symptomaticæ* motum vitalem, quo fere solo æstimandæ sunt, sive internæ sive externæ sint. Exigua quantitas in ventriculis cerebri effusa morbum infert: e contrario larga narium hæmorrhagia natum sæpe solvit; hæc tum & critica & symptomatica esse potest: critica, quatenus morbum solvit; symptomatica, quatenus vires dejicit. Idem de aliis sæpe obtinet, quemadmodum in morbo repetitas S. M. exigente ut in pleuritide. Spontaneæ criticæ, quamprimum modum excedunt, jam pure symptomaticæ dicendæ, ut nimius mensium aut hæmorrhoidum fluxus.

§. X X X.

Eventus differt ratione loci, copia effusi, subjecti. Plus periculi involvit, si ex pulmone ac e sinu pudoris fede, naribus sanguis erumpat. Item statu, magis metuendæ in debilibus, gravidis, puerperis, ac in robustis, non gestantibus.

§. X X X I.

Fluxus sanguinis periodicus suppressus omnibus vasis vim infert, ea distendendo, comprimendo systema nervum in locis, ubi magis irritabile, præprimis afficit: inde circulationes inæquales, obstructions, inflammationes topicæ, hæmorrhagiæ e locis insolitis oriuntur, aut dejecto tono leucophlegmatæ, arthritides &c. Objiciunt ex Hipp. lib. vi. S. vii. de morb. vulg. cessatione mensium perpetua corpus virile reddi: respondeo, vocabulo *virile* hic tantum intelligi quasdam conditiones viro proprias, ut barbam, vocis gravitatem, non in specie sed in individuo observatæ, minime corporis vigorem, judicium. Ita vero se habet locus Hippocr. d. l. *Abderis Phaëtusa Pythei conjux ante per juventam fœcunda erat, viro autem*

ejus exulante diu menses defecerunt, ex quo postea dolores & rubores ad articulos exorti sunt. Quæ ubi contigerunt; tum corpus virile in universum hirsutum est redditum, barbaque est enata, & vox aspera reddita. Sed quum omnia, quæ ad menses deducendos facerent, tentassemus, non profluxerunt, verum haud ita multo post vita functa est. Funesta quoque mensium suppressio legitur §. sequente sive ultima. Innumera incommoda excessu aut defectu fluxus sanguinis occurrunt apud optimos scriptores, magnam partem a Fr. Hoffm. in variis locis una cum causis & remediis collecta. Curatio vero generalis optima petitur ex Boerh. Inst. de Cardiac. §. 1095. & seqq. usque ad

F I N E M.



A D N E X A.

I.

*Omni momento in corpore sano fiunt
& solvuntur obstructiones, sed plu-
res fiunt quam solvuntur.*

II.

*Si nervi functionibus animalibus de-
stinati præter naturam subito ten-
duntur, oritur dolor, nisi sit pa-
ralysis; si lente, atonia, paresis.*

III.

*Si nervi functionibus vitalibus desti-
nati præter naturam subito ten-
duntur, oritur erethismus; si len-
te inertia.*

IV.

*Tensio nervorum est causa erethis-
mi; hic inæqualis circulationis;
hæc multorum morborum.*

V.

V.

*Omnes membranæ, tendines & fibræ
sunt irritabiles.*

V I.

*Ubi dolor aut irritatio, aut utrius-
que concursus, ibi auctus humorum
affluxus & obstructio.*

V I I.

*Diluentia, anodyna, & evacuantia
plures morbos curant, quam sti-
mulantia & adstringentia.*

V I I I.

Bonus Chylus est optimum roborans.

I X.

*Uromantes ex urina graviditatem
pronuncians fallitur.*

S A C R U M
H O N O R I A T Q U E M E R I T I S
D O C T I S S I M I O R N A T I S S I M I Q U E
J U V E N I S
E. M O L I N I ,

*Cum, post habitam de Morbis ex Defectu motus Vitalis
oriundis dissertationem, M E D I C I N A E
D O C T O R renuntiaretur.*

Paeon sacrato Pythie vertice
Descende Pindi, nunc citharae decer
Aptare nervos, nunc sonare
Carmina Piërisin canenda:
Victoris olim ceu Patrias Lyrâ
Laudes tonabas, Terrigenûm impiam
Telo cohortem quum trifulco
In Stygias pepulit tenebras.
Nam clarus alti viribus ingenî,
Prudens falubrique Arte Machaonis
Summo MOLINUS mox honore
Ad Patrias remeabit urbeis:
Qui sancta castarum Orgia Virginum,
Et celsa doctae Limina Pallados;
Puro tuas qui, Phoebe, cultu
Usque fuit veneratus Aras.

D

Ornata

Ornata raris pectora dotibus
Virtus Pudori conscia temperat,
Aest vividae mentis vigore
Se Sophiae in penetrale mergit

Raro quiescens: inde dies vacat
Haud ulla curis, dum vigil impigro
Sudore Doctas nunc Sorores,
Nunc Medicas colit aequus arteis.

Miretur equis, si spatio brevi
Non otioso sedulus otio
Secreta Naturae potentis
Ingenio propiore vidit?

Jam desinat, cum terfa revolverit
Mentis capacis scripta, quibus suae
Artisque Doctrinaeque rarae
Clara stupendaque signa promit.

*Quid Pulmo, quid Cor Vitaeque sit, docet,
Vitaeque causas, & Vitia, & modos
Quem Sanguinis vitalis humor
Innumeras properare Pestes.*

*Possit, minore aut si fluat impetu
Non temperato: nec fatis! instruit
Morbos medelis, ut peritus
Artis Apollineae minister.*

Clari, sagacem qui Juvenem manu
Finxere doctâ atque eloquio, Viri
Laudant alumnum, cum politi
Ingenii monumenta cernunt.

Et jam Minervae Lucida Sidera
Sacrum decorâ fronde premunt caput
Lauri virentis, jamque fausto
Augurio Medicum salutant.

Suffragio quin Pallados innubae
Justis Senatus motus honoribus
Adplaudit ultro, datque signa
Candida promeriti favoris.

Jam Myſta prudens hinc varias vices
Vitae, malarumque agmina Februm
Horrenda cautè doctus atrae
Spicula franget acerba Mortis:

Ac Sanitatis rector & arbiter
Vitæ ruentis fata novissima
Tardabit, & morbos tremendos
Arte potens Medica repellet.

Sic cura follers Artis in intimos
Se-met recessus & penetralia
Divina progressu stupendo
Abdidit, ardua quaeque vincens:

Dum nobileis alto ingenio Viros
Grato frequentat pectore ceu Deos,
Et Dogmata horum ex ore plena
Nectaris, Ambrosiaeque ducit.

Auctor Medelae quondam Epidaurius,
Phoebea proles, sic rudis audiit
In Pelii frondentis antro
Phillyridae monitus fideleis.

Monstrante primas Semifero vias
Vidit Salutis; seu Medica manu
Sanaret ulcus, seu potenti
Consilio relevaret aegros.

His nempe curis Artis amabilis
Coeleste donum fluxit, & in dies
Tandem nova incrementa cepit,
Subruit & fera regna Leti.

O grande mundi praesidium & decus!
O Fons salutis purior! O Dei
Munus faventis, quaeque vitae
Gaudia vera foves beatae!

Morbis molestis corpora liberas,
Sanaeque menti robora subficis:
Mortalium hinc coetus, Hygeia,
Te positus venerantur aris!

Fausto en! benignos extulit omine
Aurora vultus, qua, Juvenum Decus
Ingens, coronam & laureati
Praemia summa feres honoris.

Ultro lubenti pectore gratulor
Partos triumphos, & mea barbiton
Tendens sonantem laeta vota
Calliope, numerosque fundit.

Bacchatur Evöe! mens mihi gaudio,
Et stilla laetis luminibus cadit,
Cum Tu, meae pars magna curae,
Praemia digna capis laborum.

Nunc

Nunc Dux & Auctor quod studii tui
Dictus, MOLINE O optime, glorior:
Nostra & Parentum cum tuorum
Vota pios tetigere Divos.

Tu jamque celsis auctus honoribus,
Clarum superbi nominis & decus
Ibis reportans ad Paternos
Non sine lætitia Penateis.

I, perge fausto (sic decet!) omine,
Lactasque vireis divitis ingenî
Exprome, & adfluctis salubri
Adfer opem venerandus Arte!

I, perge felix, perge memor tui
Vatis Magistrique optime, Clercquii,
Qui lampadem accensam fidelis
Prætulit Aonias ad undas:

Sic larga summi gratia Numinis
Adspiret, Artis Pæoniae sagax
Fineis propages, atque curas
Gloria summa tuas sequatur!

Optimo Doctissimoque Discipulo

L. M. Q.

Posuit

E. DE CLERCQ

A A N D E N
H E E R E
E E L C O M O L I N U S ,

Toen Zyn Ed. tot LEERAAR in de Geneeskunde
bevordert wierd.

Dus zie ik U, myn Vriend, der Artzen trap opstygen,
Dus zie 'k uw noeste vlyt, dien gy hebt aangewend
Van PALLAS zelfs beloont, wyl zy altyd erkent
De Naarstigheit van dien, die roem zoekt te verkrygen.

Geluk dan, Waarde Vriend! Zy heeft u staâg zien hygen
Naar deze Glorie-kroon: dees word U nu in 't end
Geschonken, en uw Lof word meer en meer bekend.
Ongunst moet Phoebus nooit uw' Artzeny-kunst drygen!

Leev dus elendigen tot hulp en toeverlaat,
Op dat Gy door uw kunst en onverschrokken raat
Hun zyt een Aesculaap, voor wien de dood moet beven.

Dus blyv' uw naam geroemt, d' onsterfelykheid gewyd!
Strek dus den Naneef tot een spoor in later tyd;
En laat my, uwen Vriend, in uw gedagten leven.

Sic lubens meritoque non ut voluit,
fed ut potuit, cecinit

ENGELBERTUS VAN DER SLUYS,
Med. Cand.

G O R I N C H E M E N S I S .

TER INHULDIGING
VAN DEN
HEERE
EELCO MOLINUS,

Tot LEERAAR in de Geneeskunde.

*Als Weet-lust en Verstand zig met elkand'ren paaren,
In 't bloejen van de jeugd, in 't prilste van den tyd:
Geen wonder, dat men dan door onvermoeide vlyt
Wel haast zig kan een' schat van Weterschap vergaëren.*

*Dus wist Gy, waarde Vriend, al vroeg uit wyze blaëren
Een voorraat op te doen, die nu uw hert' verblyd;
Terwyl APOLL' U eert, en reeds (het spyt' den Nydt!)
Een' krans van Lauwerier drukt op uw' blonde hairen.*

*Geluk! Geluk, myn Vriend, met 't hooge Meesterschap!
Uw' kunst geleid' u' voorts tot hooger Eeren-trap!
Herstel de lyd'ren, die reikhalzend na u wagten!*

*Maar schoon U't Friesland, na u schreeuwend, van myscheidt,
Ik blyv' uw' Vriend; zoo gy dus ook genegen zyt,
Ga u myn' liefd', nog my de uw' uit de gedagten.*

J. V. OUTEREN.
S. S. Th. Studiosus.

